

四庫全書

史部

欽定四庫全書

史部

江南通志卷九

十

詳校官給事中臣丁雲錦

檢討臣德生覆勘

總校官總修臣王懋緒

校對官中書臣葉

德錕監生臣宋元辰

欽定四庫全書

江南通志卷九

輿地志

星野

周禮保章氏掌以星土辨九州之地所封封域皆有分星鄭康成謂大界則曰九州州中諸國之封域於星亦有分焉今其存可言者十二次之分也布度定紀分州繫象定二十有八星之位因以察

十有二歲五雲之物十有二風以修政序事可勿  
攷歟今江南得古揚徐豫三州在春秋時什九皆  
吳地爾雅云星紀斗牽牛吳分野劉逵以為斗者  
日月五星之所經始故謂之星紀意者星紀之分  
域能為綱維則今江南獨冠藩服蓋有自歟婺女  
房心奎婁胃為魯宋諸國之分星又江南之寓精  
寄曜者也然自星野之說有歲差里差古今宮度  
同異較然我

朝時憲書法定天周為三百六十度而歲周則為三百六十五日天度既整以整馭零歲差里差之法亦準諸此書法既定而分星無不定又準以地圓之理地心地面之說治書者因地以測諸差言地理者即可因諸差以定宮度如今江南之地或宿屬斗未改為牛初而後分野宮度高卑合準故詳列諸家同異系之以表存其大概以備稽考

主十二次之說

周禮保章氏注星紀吳越也降婁魯也大火宋也  
晉書天文志自氏五度至尾九度為大火於辰在  
卯宋之分野屬豫州自南斗十二度至須女七度  
為星紀於辰在丑吳越之分野屬揚州自奎五度  
至胃六度為降婁於辰在戌魯之分野屬徐州

隋書地理志同晉書

唐書天文志奎婁降婁也初奎一度中奎二度終  
胃三度自蛇丘肥成南界鉅野東達梁父循岱岳

衆山之陽以負東海又濱泗水經方與沛留彭城  
東至於呂梁乃東南抵淮竝淮水而東盡徐夷之  
地氐房心大火也初氐二度中房二度終尾六度  
自雍丘襄邑小黃而東循濟陰界於齊魯右泗水  
達於呂梁乃東南接太昊之墟盡漢濟陰山陽楚  
國豐沛之地斗牽牛星紀也初南斗九度中南斗  
二十四度終女四度自廬江九江負淮水南盡臨  
淮廣陵至東海又逾南河得漢丹陽會稽豫章

明清類天文分野書斗牛在丑屬吳越分揚州奎婁

在戌屬魯分兖州氐房心在卯屬宋分徐州

按星野分

配郡國諸史亦多異同晉志以沛國黟郡屬豫州以彭城屬徐州隋志以黟郡屬豫州以彭城豐沛屬徐州唐志以楚國豐沛皆為大火之次與漢志合又史漢俱以房心為豫州奎婁為徐州清類天文分野書謂宋得徐州之地為多遂改大火為徐州今考宋地實在徐豫二州之境也

### 主二十八舍之說

史記天官書二十八舍主十二州 又曰角亢氐

兖州房心豫州斗江湖牽牛婺女揚州奎婁胃徐



州

漢書天文志同史記 漢書地理志魯地奎婁之  
分野也東至東海南有泗水至淮得臨淮之下相  
睢陵僅取慮皆魯分也宋地房心之分野也今之  
沛梁楚山陽濟陰東平及東郡之須昌壽張皆宋  
分也吳地斗分野也今之會稽九江丹陽豫章廬  
江廣陵六安臨淮郡盡吳分也

晉書天文志房心宋豫州潁川八房一度汝南入

房二度沛郡入房四度梁國入房五度楚國入房  
四度斗牽牛須女吳越揚州九江入斗一度廬江  
入斗六度丹陽入斗十六度臨淮入牛四度廣陵  
入牛八度泗水入女一度六安入女六度奎婁胃  
魯徐州東海入奎一度

唐書天文志奎為大澤在陬訾下流當鉅野之東  
陽至於淮泗婁胃之墟東北負山蓋中國膏腴地  
百穀之所阜也商亳負北河陽氣之所升也為心

分豐沛負河南陽氣之所布也為房分南斗在雲  
漢下流當淮海間為吳分

宋史天文志南斗六星南星者魁星也石申曰魁  
第一主吳二會稽三丹陽四豫章五廬江六九江  
明清類天文分野書斗牛吳越分野奎婁魯分野  
氐房心宋分野

各次距度之不同

漢劉歆三統歷自斗十二度至婺女七度為星紀

自奎五度至胃六度為降婁自氐五度至尾九度  
為大火

費直說周易自斗十度至女五度為星紀自氐十  
一度至尾八度為大火自奎二度至婁九度為降  
婁

蔡邕月令章句自壁八度至胃一度為降婁自亢  
八度至尾四度為大火自斗六度至女二度為星  
紀

皇甫謐帝王世紀自斗十一度至婺女七度為星紀其降婁大火距度俱同三絕

北魏李紫興正光歷自斗一度至牛五度為星紀自壁三度至婁八度為降婁自亢三度至心四度為大火

唐一行大衍歷自奎二度餘千二百一十七杪十七少至胃三度為降婁自氐二度餘千四百一十九杪五太至尾六度為大火自斗九度餘千四十

二杪十三太至女四度為星紀

宋皇居卿元祐觀天厯自奎三度半至胃五度半  
為降婁自氐三度少至尾八度為大火自斗九度  
至女六度為星紀

南宋楊忠輔紹熙統天厯自奎一度三十七分二  
十五杪至胃四度十九分十五杪為降婁自氐一  
度七十四分五十一杪至尾三度八十六分六十  
四杪為大火自斗四度三十五分九十二杪至女

二度九十五分七秒為星紀

元耶律楚材西征庚午元曆自奎二度三十五分  
八十五秒外至胃四度二十四分三十三秒為降  
婁自氐一度七十七分七十七秒外至尾三度九  
十七分七十二秒為大火自斗四度三十六分六  
十六秒至女二度九十一分九十一秒為星紀

許衡郭守敬授時曆自奎一度七十三分六十三  
秒至胃三度七十四分五十六秒為降婁自氐一

度一十四分五十二秒至尾三度一分一十五秒  
為大火自斗二度七十六分八十五秒至女二度  
六分三十八秒為星紀

明清類天文分野書自斗三度至女一度為星紀  
自奎二度至胃三度為降婁自氏二度至尾二度  
為大火

各舍赤道距度之不同

漢洛下閎所測氏十二度房五度心五度斗二十



六度及分牛八度女十二度奎十六度婁十二度  
胃十四度

唐一行所測斗二十六度無分餘同漢

宋皇祐所測氐十六度心六度斗二十五度牛七  
度女十一度胃十五度餘同漢

元豐所測房六度餘同皇祐

崇寧所測房五度太心六度少牛七度少女十一  
度少奎十六度半餘同皇祐

元至元所測氏十六度三十分房五度六十分心  
六度五十分斗二十五度二十分牛七度二十分  
女十一度三十五分奎十六度六十分婁十一度  
八十分胃十五度六十分

各舍黃道距度之不同

後漢永元銅儀氏十六度房五度心五度斗二十  
四度四分度之一牛七度女十一度奎十七度婁  
十二度胃十五度

隋劉焯皇極書斗二十四度女十一度半婁十三度餘同永元

唐一行大衍書斗二十三度半牛七度半女十一度少奎十七度半婁十二度太胃十四度太氐十五度太心四度太房度同永元

宋紀元書斗二十三度奎十八度胃十五度半氐十六度少房五度太心六度牛女度同永元婁度同大衍

金趙知微書斗二十二度奎十七度太牛女度同  
永元婁度同大衍餘同紀元

元授時書氐十六度四十分房五度四十八分心  
六度二十七分斗二十三度四十七分牛六度九  
十分女十一度一十二分奎十七度八十七分婁  
十二度三十六分胃十五度八十一分

史傳雜占分野之法

史記天官書吳楚之疆候在熒惑宋鄭之疆候在歲星

星經歲星主徐州熒惑主揚州鎮星主豫州

晉書天文志歲星主齊吳熒惑主楚吳越以南

宋史天文志歲星主徐青兗熒惑主揚荆交州填

星主豫州

按此上以五星言分野也

史記天官書二十八舍主十二州斗秉兼之

周禮疏辨

九州之地者據北斗而言

春秋文耀鉤北斗七星

星兗州屬熒星徐揚二州屬權星豫州屬搖星

星經玉衡第一星主徐州以五子日候之甲子為

東海丙子為琅琊戊子為彭城庚子為下邳壬子

為廣陵第六星主揚州以五巳日候之乙巳為豫  
章辛巳為丹陽巳巳為廬江丁巳為吳郡會稽癸  
巳為九江第七星為豫州以五午日候之甲午為  
潁川壬午為梁國丙午為汝南戊午為沛國庚午  
為魯國

晉書天文志北斗七星一主秦二主楚三主梁四  
主吳五主燕六主趙七主齊

宋史天文志北斗第一星曰樞其分秦漢志主徐

州第四星曰權其分為吳漢志主荊州第六星曰

闔陽其分為趙漢志主揚州第七星曰搖光其分

為齊漢志主豫州

按此上以北  
斗言分野也

史記天官書吳楚之疆占於鳥衡

鳥者南宮七宿  
衡者太微三光

之庭為與衡同在南宮故占南  
國按此以四七宿言分野也

宋史天文志三台六星上台星主兖豫下星主

荆揚中台上星主梁雍下星主冀下台上星主青

下星主徐

晉書天文志五車者五帝車舍也五帝坐也西北  
大星曰天庫主太白金主秦次東北星曰獄主辰星  
主燕趙次東星曰天倉主歲星主魯衛次東南星  
曰司空主填星主楚次西南星曰卿星主熒惑主  
魏五星有變皆以其所主占之

隋志宋志皆同言  
楚則吳越在其中

隋書天文志九坎東列星北一星曰齊齊北二星  
曰趙趙北一星曰鄭鄭北一星曰越越東二星曰  
周周東南北列二星曰秦秦南二星曰代代西一



星曰晉晉北一星曰韓韓北一星曰魏魏西一星

曰楚楚南一星曰燕其星有變各以其國占之

宋志

同人引陶隱居云越一星在婺女南并舉楚越則共在其中

宋史天文志天市垣二十二星在氐房心尾箕斗  
內宮之內象天王在上諸侯朝王王出畢門大朝  
會西方諸侯在應門左東方諸侯在應門右其東  
藩十一星一曰宋四曰東海五曰徐六曰吳越

此按

上以中外宮星言分野也

史記天官書丙丁江淮海岱也

漢書天文志丙楚酉魯戌吳越

按此又以時日  
支干言分野也

今江南分星表

星紀吳分

禹貢揚州之域

海  
五隸州  
州  
隸

江寧府

上元

江寧

句容

溧水

江浦

六合

高淳

蘇州府

吳 長洲 元和 崑山

新陽 常熟 昭文 吳江

震澤

松江府

華亭 奉賢 婁 金山

上海 南匯 青浦 福泉

常州府

武進 陽湖 無錫 金匱

江陰 宜興 荆溪 靖江

鎮江府

丹徒 丹陽 溧陽 金壇

淮安府

山陽

阜寧

鹽城

揚州府

江都

甘泉

儀徵

高郵

興化

寶應

泰

太倉州

鎮洋

崇明

嘉定

寶山

通州

如臯

泰興

安慶府

懷寧

桐城

潛山

太湖

宿松

望江

徽州府

歙  
休寧  
婺源  
祁門

寧國府

黟  
績溪

宣城  
寧國  
涇  
太平

池州府

旌德  
南陵

貴池  
青陽  
銅陵  
石埭

太平府

當塗  
蕪湖  
繁昌

廬州府

合肥  
廬江  
舒城

無爲

巢

鳳陽府

鳳陽

臨淮

定遠

壽

鳳臺

六安州

英山

霍山

泗州

盱眙

天長

和州

含山

滁州

全椒

來安

廣德州

建平

降婁魯分

禹貢徐州之域

府

直隸州

州

縣

淮安府

清河

安東

桃源

徐州府

邳

宿遷

睢寧

海州

贛榆

沭陽

鳳陽府

懷遠

虹

泗州

五河

大火宋分

禹貢徐豫二州之域

府

州

縣

徐州府

沛

銅山

蕭

碭山

豐

鳳陽府

宿

靈璧

潁州府

亳

阜陽

潁上

霍丘

太和

蒙城



Handwritten text or markings in the top-left corner, possibly a page number or title.



Handwritten text or markings in the top-left corner, possibly a page number or title.

Handwritten text or markings in the top-left corner, possibly a page number or title.

卷九

江南通志卷九

欽定四庫全書

江南通志卷十

輿地志

疆域 形勢附

古揚徐二州之界南北距淮豫州則北距大河今江南境內自淮以南為揚州而北入徐西北入豫不但跨淮屬泗并踰河以北此雖由古今川瀆同異而幅員之所包絡者廣矣形勢則潮汐之池號

為天沼貫以三瀆是綱是紀霍蜀大障屏蔽坤位  
地險備焉至於畫郊圻扞牧園在國曰固在野曰  
險凡有司存宜加詳審者也

江南通省

合上下兩江布政使司統轄府州縣衛之地廣輪  
數千里其為疆域所分自省會金陵郡治東暨海  
州五百五十里西至河南省固始縣界八百五十  
里南抵江西省浮梁縣界八百五十里北接山東

省嶧縣界九百五十里選撰

帝京二千四百里

形勢總計江南之境鍾茅八公天柱九華黃塗潛  
霍山之作鎮而著名者不勝數黃河江淮運河三  
江泗汝潁睢滌淝川之經行而涵浸者不勝數藪  
則震澤巢湖洮湖闕則東關清流二峴名都雄鎮  
襟帶江淮淮之北潁亳徐邳訖於海州贛榆淮之  
南廬壽滁和訖於揚道江之南北列上游者安池

太平諸郡縣號沃野者鎮常蘇松諸府州而漕河蜿蜒直上飛輓逸於前代蓋江蘇安慶俱屬省會而江寧尤重矣

江寧府由府治上至

帝京道里見前省會東至鎮江府丹陽縣界一百六十里西至和州界一百八十里南至寧國府宣城縣界二百四十里北至泗州天長縣界一百四十里東西廣三百四十里南北袤三百八十里

舊轄縣八雍正八年移溧陽一縣隸鎮江府今轄  
縣七附郭為上元為江寧去府東九十里為句容  
東南八十五里為溧水南二百四十里為高淳西  
四十里為江浦西北一百三十里為六合

上元縣東六十里至龍潭句容縣界西三里至漢  
西門江寧縣界南半里至內橋江寧縣界北五  
十里至觀音門外江中六合縣界

江寧縣東三里至通濟門內大街上元縣界西十

五里至北河口江中江浦縣界南七十五里至  
銅井鎮界牌太平府當塗縣界北二里至筴橋  
上元縣界

句容縣東五十里至白兔鎮鎮江府丹陽縣界西  
二十里至土橋鎮上元縣界南五十里至望湖  
岡溧水縣界北七十五里至炭渚鎮江府丹徒  
縣界

溧水縣東四十五里至分界山鎮江府溧陽縣界



西四十五里至明覺寺太平府當塗縣界南七  
十里至尋真鋪高淳縣界北四十五里至烏刹  
橋江寧縣界

高淳縣東七十里至鄧埠鎮鎮江府溧陽縣界西  
三十里至水碧橋寧國府宣城縣界南四十里  
至花山宣城縣界北三十里至塘溝河中流太  
平府當塗縣界

江浦縣東三十五里至浦口東馬頭江中上元縣

金...  
界西六十里至陳家淺滁州全椒縣界南三十  
五里至西江口江中江寧縣界北五十里至三  
汊河滁州來安縣界

六合縣東三十里至褚家堡揚州府儀徵縣界西  
五十五里至四號墩滁州來安縣界南七十里  
至浦子口江浦縣界北五十里至瓜蒞鋪泗州  
天長縣界

形勢鍾山龍蟠石頭虎踞

漢語馬  
亮語

長江千里險過

湯池

南唐書

外連江淮內控湖海

繫年錄

東南形勢莫

重建康

宋張浚語

有三吳為東門有荆蜀為西戶有七

閩二廣為南府

見宋胡安定文集

蘇州府由府治上至

帝京二千七百二十里東至太倉州界一百六里西至

常州府宜興縣界一百里南至浙江嘉興縣界九

十四里北至通州界一百五十里東西廣二百六

里南北袤二百四十四里

舊轄一州七縣今析太倉州為直隸以嘉定崇明  
二縣屬之舊縣五新分縣四轄九縣附郭縣三為  
吳為長洲為元和去府東七十里為崑山為新陽  
東南四十里為吳江為震澤北一百五里為常熟  
為昭文

吳縣東一里城內卧龍街元和縣界西一百里至  
太湖常州府宜興縣界南三十三里至太湖吳  
江縣界北二里至教場長洲縣界

長洲縣東一里城內新造橋元和縣界西三十里  
至賀九嶺吳縣界南二里至內城濠吳縣界北  
五十里至吳塔常熟縣界

元和縣東四十五里至真義新陽縣界西一里至  
城內王府基長洲縣界南二里城內新造橋長  
洲縣界北五里至壩基橋長洲縣界

崑山縣東三十三里至金雞河績綵橋太倉州界  
西三十三里至西亭子界浦河中元和縣界南

七十里至井亭港河中松江府青浦縣界北同  
城至北門城濠新陽縣界

新陽縣東三十六里至界牌太倉州界西二十一  
里至吳涇村元和縣界南一十里至大瀆村崑  
山縣界北二十里至三千灣昭文縣界

常熟縣東半里至城內迎恩橋境下昭文縣界西  
七十里至感化鄉常州府江陰縣界南四十里  
至歸政鄉吳塔村長洲縣界北四十里至福山

港通州界

昭文縣東八十里至白茆海口太倉州界西半里  
至城內炳靈公廟常熟縣界南四十里至南斜  
塘新陽縣界北四十里至耿湑江口常熟縣界  
吳江縣東八十里至金澤鎮松江府青浦縣界西  
一里至西門城外河中震澤縣界南五十四里  
至楊橋浙江嘉興縣界北七里至七里橋元和

縣界

震澤縣東三里至運河官塘吳江縣界西一百里  
至南潯鎮浙江烏程縣界南五十里至平望鎮  
鶯脰湖中吳江縣界北一里至北門外釣橋吳

江縣界

形勢藪曰具區浸曰五湖

周禮職方氏

三江雄潤五湖

腴表

晉周處風土記

川澤沃衍有海陸之饒

隋地理志

松江太

湖水國之勝

吳江王簿廳壁記

旁連湖海外控江淮

宋徐嘉誥

詞



松江府由府治上至

帝京二千九百五十里東至大海一百里南至大海七十二里西北至蘇州府崑山縣界八十里東北至太倉州嘉定縣界一百八里東西廣一百八十里南北袤一百八十里

舊縣四新分縣四轄八縣附郭縣二為華亭為婁縣東南九十里為奉賢南七十里為金山東北九十里為上海東一百二十里為南匯西北五十里

為青浦五十里為福泉

華亭縣東一十八里至語兒涇上海縣界西一里  
至府城西門口婁縣界南七十二里至金山衛  
城金山縣界北五里至五里塘婁縣界

婁縣東至府城華亭縣界西一十八里至泖湖口  
青浦縣界南一十二里至西浦江華亭縣界北  
一十八里至塘橋鎮福泉縣界

奉賢縣東三里至海西五十四里至望河涇華亭

縣界南四十五里至柘林城華亭縣界北十八里至五墩南滙縣界

金山縣東至城內華亭縣界西九里至商蕩橋浙江平湖縣界南一里至大海北接華亭縣界

上海縣東一十八里至龍王廟南滙縣界西三十六里至七寶鎮福泉縣界南七十二里至語兒涇華亭縣界北一十二里至分水龍王廟太倉州寶山縣界

南匯縣東三十里至海西六十里至黃浦沈塘庄  
口上海縣界南二十四里至界河奉賢縣界北  
六十餘里至界浜上海縣界

青浦縣東三里至迎春廟黃沙浜口福泉縣界西  
四十五里至周庄蘇州府元和縣界南三十六  
里至廣富林九里亭婁縣界北二十里至孔宅  
獨樹福泉縣界

福泉縣東六十里至七寶鎮婁縣界西接青浦縣

界南接青浦縣界北一十二里至白鶴江鎮太

倉州嘉定縣界

形勢負海枕江平疇沃野

宋魏了翁學記

佩帶江湖南瀕

大海

宋唐詢華亭十詠詩序

府稱澤國以九峯勝

舊志

瀕海重

地

元史沙全傳

常州府由府治上至

帝京二千五百三十五里東至蘇州府常熟縣界一百

四十里西至鎮江府丹陽縣界五十里南至浙江

長興縣界二百里北至大江北岸泰興縣界八十五里東西廣一百九十里南北袤二百八十五里舊縣五新分縣三轄縣八附郭縣二為武進為陽湖東南九十里為無錫為金匱東七十里為江陰南一百二十里為宜興為荆溪東北一百五十里為靖江

武進縣東至城中陽湖縣界西五十里至九里鋪鎮江府丹陽縣界南十五里至仙堰橋陽湖縣

界北五十里至揚子江通州泰興縣界

陽湖縣東四十里至五牧鎮無錫縣界西至城中  
武進縣界南七十里至五洞橋宜興縣界北三  
十里至回水橋江陰縣界

無錫縣東至城河中心金匱縣界西五十里至閭  
江橋孤村陽湖縣界南七十七里至烏山蘇州  
府吳縣界北三十三里至馬鎮江陰縣界

金匱縣東七十里至楊尖蘇州府常熟縣界西至

城河中心無錫縣界南七十七里至烏山蘇州府吳縣界北三十三里至馬鎮江陰縣界

江陰縣東九十里至顧山鎮蘇州府常熟縣界西七十里至鄭陸橋武進縣界南五十四里至馬鎮無錫縣界北至大江中流靖江縣界

宜興縣東八十里至太湖中項沙洲蘇州府吳江縣界西七十里至葑埭村鎮江府溧陽縣界南至縣城南門外荆溪縣界北六十里至五洞橋



陽湖縣界

荆溪縣東六十里至太湖中項沙洲宜興縣界西  
九十里至渡濟橋鎮江府溧陽縣界南八十里  
至啄木嶺浙江長興縣界北至北門外板橋宜  
興縣界

靖江縣東六十里至青龍港通州如臯縣界西四  
十二里至鄂家港通州泰興縣界南三十五里  
至大江中鶴沙洲江陰縣界北十七里至廣陵

鎮泰興縣界

形勢三江之雄澗五湖之腴表

晉周處風土記

岡阜相屬

林麓鬱然

舊北漢志

川澤沃衍有海陸之饒

隋志

大江橫

其北太湖處其東

宋政和河溝記

北抵江淮東連海道

江陰

山長水遠氣秀地靈

元宜興州圖註

土厚水深山澤清

廣

元路學興造記

鎮江府由府治上至

帝京二千三百三十五里東至常州府宜興縣界一百

六十里西至江寧府句容縣界六十里南至常州  
府武進縣界一百八里北至揚州府江都縣界二  
十八里東西廣二百二十里南北袤一百二十六  
里

舊隸縣三今析江寧府溧陽縣隸之轄縣四附郭  
為丹徒府南六十五里為丹陽二百四十里為溧  
陽一百六十里為金壇

丹徒縣東七十里至匡家橋丹陽縣界西六十里

至炭渚驛江寧府句容縣界南五十里至仁壽  
橋丹陽縣界北二十八里至揚子江揚州府江  
都縣界

丹陽縣東五十里至呂城三板橋常州府武進縣  
界西三十里至馬陵橋丹徒縣界南三十里至  
丁庄鋪石嘉山江寧府句容縣界北六十五里  
至華山大壩頭丹徒縣界

溧陽縣東四十里至楊巷口常州府宜興縣界西

四十里至南渡廣德州建平縣界南三十六里  
至戴埠廣德州界北七十五里至分界山江寧  
府溧水縣界

金壇縣東三十五里至善塘村常州府武進縣界  
西六十五里至茅山上宮江寧府句容縣界南  
五十里至紙錢標溧陽縣界北二十里至張庄  
鋪丹陽縣界

形勢因山為壘緣江為境

爾雅云絕高為京以其  
城因山為壘緣江為境

金史地理卷之二十一 卷十

故謂之東通吳會南接江湖隋志西接漢沔北距淮

泗宋曾改潤州集序三吳襟帶之邦百越舟車之會寰宇記

內連天塹外蔽日畿鎮江志序浙西門戶宋知府劉寧止奏言京口

控扼大江為浙西門戶

### 淮安府由府治上至

帝京一千九百七十五里東至海州二百三十里西至

鳳陽府虹縣界二百一十里南至揚州府寶應縣

界八十里北至海州沭陽縣界一百八十里東西

廣四百四十里南北袤二百六十里

舊隸州二縣九今析海州為直隸以贛榆沭陽二縣屬之又析邳州一州宿遷睢寧二縣屬徐州府舊縣五新分縣一轄縣六附郭為山陽東北一百五十里為阜寧東南二百四十里為鹽城西五十里為清河一百二十里為桃源東北六十里為安東

山陽縣東七十里至見儀阜寧縣界西一百二十

五里至洪塘埂泗州界南七十里至黃浦揚州府寶應縣界北六十里至河口清河縣界

阜寧縣東九十里至海口西九十里至蘇家嘴山

陽縣界南四十五里至鹽城縣之草堰口分界北四十里至北沙黃河中流安東縣界

鹽城縣東一百二十里至海口西九十里至湖蕩沙溝鎮揚州府寶應縣及高郵州界南六十里至大岡鎮界河揚州府興化縣界北七十里至



草堰口阜寧縣界

清河縣東二十里至七里墩山陽縣界西二十五里至張家溝桃源縣界南五十里至洪澤湖本府山陽及泗州盱眙二縣界北九十里至崇河驛海州沭陽縣界

安東縣東三十里至夏村營黃河山陽縣界西六十里至古寨海州沭陽縣界南三十里至黃河山陽縣界北八十里至新安鎮海州界

桃源縣東四十里至高家灣清河縣界西六十里  
至白洋河徐州府宿遷縣界南四十里至洪澤  
湖心泗州界北六十里至里仁集海州沭陽縣  
界

形勢水陸交通

音苟美北狂議水陸交通易以觀  
蒙沃野有開殖之利方舟漕運亦

無他

西至淮畔東屆海隅

南齊志

俯臨淮海控制山

東

宋齊年錄

山陽要地屏蔽淮東

同上

淮南控扼之地

宋吳

夫臣

南北襟喉江淮要衝

元董持霄  
淮安議

長淮與壤表

海名邦

輿地  
紀勝

揚州府由府治上至

帝京二千二百七十五里東至通州如臯縣界三百六十  
十里西至江寧府六合縣界一百一十里南至鎮  
江府丹徒縣界四十里北至淮安府山陽縣界二  
百六十里東西廣四百七十里南北袤三百里

舊轄三州六縣今析通州為直隸以泰興如臯屬  
之舊州二縣四新分縣一轄二州五縣附郭為江

都為甘泉西南七十里為儀徵北一百二十里為高郵州東北一百七十里為興化北二百四十里為寶應東一百二十里為泰州

江都縣東八十里至五洲通州泰興縣界西半里至城門園甘泉縣界南四十里至瓜洲江心北脚鎮江府丹徒縣界北十里至灣頭甘泉縣界甘泉縣東半里至東關門城門江都縣界西六十里至大儀集泗州天長縣界南半里至南門城

門江都縣界北七十五里至露筋廟高郵州界  
儀徵縣東四十里至石人頭江都縣界西四十里  
至黃鍾鋪江寧府六合縣界南至大江北三十  
五里至捺山謝家集甘泉縣界

高郵州東八十里至河口鎮興化縣界西一百二  
十里至橫櫳橋泗州天長縣界南三十里至三  
十里鋪江都縣界北六十里至界首鎮寶應縣  
界

興化縣東一百二十里至范公堤泰州界西四十

五里至河口鎮高郵州界南三十五里至陵亭鎮

泰州界北六十里至北宋庄淮安府鹽城縣界

寶應縣東七十里至射陽鎮鹽城縣界西一百二

十里至磨旗墩泗州盱眙縣界南六十里至界

首鎮高郵州界北二十里至黃鋪鎮山陽縣界

泰州東二百四十里至拚茶場黃沙洋通州如臯

縣界西三十里至斗門江都縣界南二十五里

至廟灣通州泰興縣界北九十里至凌亭閣興

化縣界

形勢地控三齊

南齊郡志地控三齊青兗同鎮西至淮畔東屆海隅土甚平廣四

會五達

劉宋鮑照蕪城賦重江複關之隩四會五達之莊

枕江臂淮

宋王觀揚

州賦揚州枕江臂淮為節鎮首稱

東南繁雄之地江山清淑

真州圖經

據江海之會握襟懷之藪

宋通州守狄遵修海隄祭文

徐州府由府治上至

帝京一千六百一十五里東合邳州界一百八十里西

合蕭縣界五十里南至鳳陽府宿州界一百二十里北至山東兗州府滕縣界一百二十里東西廣二百三十里南北袤二百四十里

舊為州隸縣四今益以邳州一州睢寧宿遷二縣新設銅山縣一陞為府轄一州七縣附郭為銅山府西五十里為蕭西北一百六十里為碭山一百五十里為豐一百二十里為沛東北一百五十里為邳州東一百里為宿遷東南一百二十里為睢



寧

銅山縣東九十里至順河集邳州界西三十里至  
齊村蕭縣界南五十里至桃山蕭縣界北八十  
里至利國驛山東嶧縣界

蕭縣東十五里至馬廠湖銅山縣界西五十里至  
何家集碭山縣界南五十里至土型鳳陽府宿  
州界北四十里至黃河北管粥集豐沛二縣界  
碭山縣東五十里至侯家口蕭縣界西三十里至

鼎新集河南夏邑縣界南二十里至高鎮集河南夏邑縣界北四十里至北鎮集山東單縣界  
豐縣東十五里至丁蘭寺沛縣界西四十里至劉家集山東單縣界南四十里至盤龍集碭山縣界北四十里至王家海集山東魚臺縣界  
沛縣東四十里至洛房山東滕縣界西四十里至羊鳴豐縣界南四十里至張家集銅山縣界北四十里至沙河山東魚臺縣界

邳州東三十里至合溝宿遷縣界西七十里至卞塘銅山縣界南九十里至木社睢寧縣界北五十里至重防山東沂縣界

宿遷縣東一百二十里至高沙社海州沭陽縣界西七十里至周家莊睢寧縣界南五十里至草堰社泗州界北一百四十里至壯溝山東郟城縣界

睢寧縣東四十八里至蔣庄鋪宿遷縣界西閱十

里至九頂山鳳陽府靈璧縣界南三十里至吳  
美家墩鳳陽府虹縣界北五十里至羊山邳州

界

形勢要害之地

隋唐十道志

汴泗交流

唐韓愈詩

楚山為城

泗水為池

蘇軾黃樓詩

東近齊魯北屬趙魏南通江淮

西通梁楚

宋陳師道學記

呂梁橫絕四山合圍

宋蘇轍黃樓賦

太倉州由州治上至

帝京二千八百四十里東至海合崇明縣界一百二十

里西至蘇州府新陽縣界三十六里南至致和塘  
本州鎮洋縣界一里北至蘇州府昭文縣界一百  
八里東西廣一百五十六里南北袤一百九里  
舊隸蘇州府今隸以嘉定崇明又分縣二陞直隸  
州轄四縣附郭為鎮洋州東北七十里為崇明東  
南十八里為嘉定五十八里為寶山

鎮洋縣東七十里至海崇明縣界西十里至清水  
港蘇州府崑山縣界南十二里至葛隆鎮嘉定

縣界北十八里至茜涇河本州界

崇明縣東至大洋西海面七十餘里至七了口本  
州界南海面七十餘里至嘉定縣界北海面一  
百餘里至通州界

嘉定縣東十八里至羅店鎮寶山縣界西二十四  
里至安亭鎮蘇州府新陽縣界南四十八里至  
盤龍港松江府上海縣界北十八里至六渡橋  
鎮洋縣界

寶山縣東至大海西四十里至廣福鎮嘉定縣界  
南四十里至嚴家角松江府上海縣界北五十  
里至小川沙河鎮洋縣界

形勢滄海東瀕玉峯西望婁江南繞虞山北障

舊志

樓櫓萬艘據要衝于海通

方輿勝覽

濱海通漕商賈輳

集民以富庶視舊過之

元上官震記

東薄於海捍海作

邦

楊廉夫記

海州由州治上至

帝京一千七百里東至高公島大海一百二十里西至  
馬陵山山東郟城縣界一百五十里南至新安鎮  
淮安府安東縣界一百五十里北至許家菴合贛  
榆縣界九十里東西廣二百七十里南北袤二百  
四十里

舊隸淮安府今益以贛榆沭陽二縣為直隸州轄  
二縣州北八十里為贛榆西南一百二十里為沭  
陽



贛榆縣東十五里至大海西七十五里至界河庄  
山東沂州界南七十五里至河頭店庄本州界  
北七十五里至汾水庄山東日照縣界

沭陽縣東八十里至古寨村淮安府安東縣界西  
四十里至丈八寺徐州府宿遷縣界南四十里  
至赤鯉湖淮安府桃源縣界北五十里至寨河  
本州界

形勢西連徐邳南接淮甸北達山東東距大海三

方所屆水陸交通

通州由州治上至

帝京二千六百九十五里東至呂四場廖角嘴海岸界  
一百九十二里西至七接橋合如臯泰興縣界二  
百八十五里南至狼山港大江蘇州府昭文縣界  
三十里北至便利鄉合如臯縣至揚州府泰州界  
九十里東西廣四百七十七里南北袤一百二十  
里

舊隸揚州府今隸以如臯泰興二縣為直隸州轄  
縣二州西四十五里為如臯二百四十里為泰興  
如臯縣東一百三十里至本縣掘港場海岸界西  
四十里至觀音堂泰興縣界南九十里至四方  
沙大江中蘇州府昭文縣界北四十里至海安  
鎮揚州府泰州界

泰興縣東六十里至分界如臯縣界西十八里至  
江邊鎮江府丹徒縣界南三十里至界河常州

府靖江縣界北六十里至界牌橋揚州府泰州界

形勢東北瀕海地當津要狼山聳峙江北海防重鎮

安慶府由府治上至

帝京二千

闕

百里東至廬州府無為州界三百六十里

西至湖廣黃州府黃梅縣界三百四十里南越江

至池州府東流縣界五里北至廬州府舒城縣界

二百八十里東西廣七百里南北袤二百八十五里

轄縣六附郭為懷寧北一百二十里為桐城西一百二十里為潛山西南一百八十里為太湖二百四十里為宿松一百二十里為望江

懷寧縣東五十里至樅陽鎮桐城縣界西一百三十里至赭陂橋太湖縣界南越江五里至鴈汊池州府東流縣界北六十里至練潭桐城縣界

桐城縣東二百里至靈山寺廬州府無為州界西  
七十里至小河沿保潛山縣界南八十里至杏  
花村懷寧縣界北四十里至老關嶺廬州府舒  
城縣界

潛山縣東五十五里至三安鋪桐城縣界西三十  
五里至小池驛太湖縣界南十五里至小市港  
懷寧縣界北一百八十里至界嶺六安州霍山  
縣界

太湖縣東五十里至桃花鋪潛山縣界西二十里  
至楓香驛宿松縣界南五十里至石灰山嶺望  
江縣界北一百九十里至珠子關湖廣蘄州界  
宿松縣東一百里至賁家嶺望江縣界西十里至  
界牌石湖廣黃梅縣界南一百里至八里江江  
西湖口縣界北六十里至界牌石太湖縣界  
望江縣東七十里至洲頭口汎懷寧縣界西三十  
里至泊湖繪口宿松縣界南四里至吉水鎮河

江西彭澤縣界北六十里至石灰山太湖縣界

形勢其山深秀而頽厚其水迤邐而蕩潏

同安志後序

南濱大江北界清淮

宋地理志

淮服之屏蔽江介之要

衝

宋朱緯廳壁記

徽州府由府治上至

帝京二千八百五十里東至浙江昌化縣界一百二十

里西至江西浮梁縣界二百七十里南至浙江遂

安縣界一百里北至寧國府太平縣界一百二十



里東西廣三百九十里南北袤二百二十里

轄縣六附郭為歙縣西六十里為休寧西南二百四十里為婺源西一百八十里為祁門西一百四十里為黟東六十里為績溪

歙縣東一百二十里至金竹嶺浙江昌化縣界西三十七里至長充鋪休寧縣界南一百里至街口浙江淳安縣界北一百二十里至湯嶺寧國府太平縣界

休寧縣東二十里至長充鋪歙縣界西四十里至  
界首鋪黟縣界南一百二十里至江嶺浙江開  
化縣界北六十里至韓嶺黟縣界

婺源縣東一百一十里至大鱗嶺浙江開化縣界  
西一百二十里至洪沖坦江西樂平縣界南三  
十里至車裏江西德興縣界北一百六十里至  
木瓜坑休寧縣界

祁門縣東五十里至楠木嶺黟縣界西一百二十

里至南門汎江西浮梁縣界南一百里至棕間  
休寧縣界北六十里至大洪嶺池州府石埭縣  
界

黟縣東四十里至界首鋪休寧縣界西五十五里  
至湘口寧國府太平縣界南二十五里至武嶺  
鋪祁門縣界北四十五里至登答橋太平縣界  
績溪縣東九十里至浙溪田浙江昌化縣界西五  
十里至界首鋪寧國府旌德縣界南二十五里

至界碑嶺高唐鎮歙縣界北三十里至叢山關

寧國府寧國縣界

形勢山水幽奇

輿地紀勝任昉為新安守行春愛其山水幽奇

地險陜土

駢剛

郡志地險陜而不夷土駢剛而不化

烏道縈紆

新安志自睦州青溪縣界至歙

州皆烏道縈紆

山峭厲而水清激

宋朱熹新安道院記

州在萬山中

元程文臨溪石橋記徽之州在萬山中視他郡最高昔人測之謂與天目齊浙江之源發焉

寧國府由府治上至

帝京二千七百四十五里東至廣德州建平縣界六十

里西至池州府銅陵縣界一百六十里南至徽州府績溪縣界二百三十五里北至太平府當塗縣界一百二十里東西廣二百二十里南北袤三百五十五里

轄縣六附郭為宣城東南九十里為寧國南一百里為涇縣二百二十里為旌德西南二百二十里為太平西九十里為南陵

宣城縣東六十里至花橋鋪廣德州建平縣界西

六十里至清弋江南陵縣界南六十里至柿木  
鋪涇縣界北一百五里至黃池鎮河中太平府  
當塗縣界

涇縣東八十里至金牌嶺寧國縣界西七十五里  
至大城山池州府青陽縣界南八十五里至承  
流山旌德縣界北三十五里至襄衝分界山南  
陵縣界

南陵縣東三十里至清弋江宣城縣界西四十五

里至牧家亭池州府銅陵縣界南七十五里至  
社橋池州府青陽縣界北一十五里至新店太  
平府繁昌縣界

寧國縣東一百里至唐舍關浙江孝豐縣界西一  
百二十里至將軍右山涇縣界南一百三十里  
至千項山浙江昌化縣界北四十里至衆淥潭  
宣城縣界

旌德縣東四十里至嗣溪山寧國縣界西六十里

至黃華嶺太平縣界南十五里至古塘山徽州  
府績溪縣界北四十里至龍首山涇縣界

太平縣東三十里至黃華鋪旌德縣界西六十里  
至長壽鄉凌灘頭河岸路口池州府石埭縣界  
南六十里至道泰鄉箬嶺鋪徽州府歙縣界北  
五十里至大塢山涇縣界

形勢阻以重山緣以大江

唐陳簡甫  
良史記

土控吳兼越

州連歙與池

唐白居易  
易詩

作藩南夏據吳上游

陳勢大  
寧塔記



作藩南夏據吳上游地產氣  
乎之平矣江漢間密之濱帶

池州府由府治上至

帝京二千八百里東至寧國府南陵縣界一百五十里  
西至江西彭澤縣界二百四十里南至徽州府祁  
門縣界二百二十里北江口至安慶府桐城縣界  
一十五里東西廣三百九十里南北袤二百三十  
五里

轄縣六附郭為貴池東八十里為青陽東北一百

二十里為銅陵東南一百六十里為石埭西南一百八十里為建德西一百八十里為東流

貴池縣東六十里至五溪橋青陽縣界西一百一十里至佛王鋪東流縣界南二百四十里至舉公汛徽州府祁門縣界北十五里至大江中安慶府桐城縣界

青陽縣東六十五里至社橋寧國府南陵縣界西二十五里至五溪界牌石貴池縣界南七十里

至琉璃嶺脚下石埭縣界北四十里至界山鋪  
銅陵縣界

銅陵縣東八十里至界潭湖寧國府南陵縣界西  
二十里至大江中廬州府無為州界南七十里  
至趙嶺青陽縣界北七十里至荻港鎮太平府  
繁昌縣界

石埭縣東三里至董家橋河干寧國府太平縣界  
西一百六十里至黃石嶺貴池縣界南四十里

至鴨脚嶺寧國府太平縣界北十里至彭祖墳  
青陽縣界

建德縣東六十里至沈坑嶺貴池縣界西二十里  
至巖塘東流縣界南一百二十里至石門江西  
鄱陽縣界北四十里至古港東流縣界

東流縣東六十五里至佛王鋪獅子橋貴池縣界  
西七十里至馬當江西彭澤縣界南八里至冰  
石建德縣界北九十里至鴈汊大江安慶府懷

寧縣界

形勢依貴池之美據石城之固

唐裴晉公度廳壁記

九峯競

秀神采奇異

唐劉禹錫九華山歌序

浸以秋浦鎮以齊山

南唐

徐鉉天慶觀記浸之以秋浦鎮之以齊山北望陵陽實真人飛昇之地南瞻孫子貴徵君棲隱之鄉

江山千里襟帶六朝

宋曾會池州門樓記

清溪南來九華東

引

宋盛約中和堂記清溪南來九華東引洪流環繞沃野彌望

太平府由府治上至

帝京二千四百六十五里東至江寧府溧水縣界八十

里西至大江和州界一十里南至寧國府南陵縣  
界一百六十里北至江寧府界五十里東西廣九  
十里南北袤二百一十里

轄縣三附郭為當塗西南六十里為蕪湖一百三  
十里為繁昌

當塗縣東八十里至石臼湖中江寧府溧水縣界  
西十里至大江中流和州界南三十里至大聖  
鋪蕪湖縣界北五十里至慈湖葛岡鋪江寧府

江寧縣界

蕪湖縣東四十里至黃池當塗縣界西七里至大江中流和州界南四十里至石碓河中流寧國府南陵縣界北三十里至延福鄉當塗縣界

繁昌縣東四十里至石碓蕪湖縣界西五十里至荻港大江中流廬州府無為州界南二十五里至麻橋寧國府南陵縣界北六十里至漕港河中流蕪湖縣界

形勢左天門右牛渚鐵甕直其東石頭枕其北

宋洪

遵壁

采石之險甲於東南

姑孰志序

廬州府由府治上至

帝京二千四百六十里東至和州含山縣界一百九十

里西至六安州界一百二十里南至安慶府桐城

縣界二百四十里北至鳳陽府定遠縣界一百二

十里東西廣三百一十里南北袤三百六十里

舊轄州二縣六今析六安州為直隸以英山霍山



二縣屬馬轄州一縣四附郭為合肥南一百六十里為廬江西南一百二十里為舒城東南二百六十里為無為州東一百八十里為巢縣

合肥縣東九十里至東山口巢縣界西一百二十里至王小店六安州界南八十里至舒王墩舒城縣界北一百三十里至麻埠橋定遠縣界

廬江縣東八十里至石塘巢縣界西四十里至界牌舒城縣界南五十里至分水嶺安慶府桐城

縣界北七十里至三河鎮合肥縣界

舒城縣東六十里至三河余家灣巢縣界西二十

五里至界河六安州界南六十里至小關安慶

府桐城縣界北四十里至舒王墩合肥縣界

無為州東一百二十五里至大江中螺磯山大平

府蕪湖縣界西五十里至都投山廬江縣界南

九十里至石灰河安慶府桐城縣界北五十里

至芙蓉嶺巢縣界

巢縣東二十五里至清溪和州含山縣界西九十里至巢湖中合肥廬江二縣界南三十八里至芙蓉嶺無為州界北八十里至東山口合肥縣界

形勢南臨江湖北達壽春

魏滿龍云

淮西重鎮

宋鄭集文廬為

淮西重鎮封疆三百里戶口亦數萬計

淮右襟喉之地江北視為唇

齒

同上

腹巢湖控渦潁膺濡須枕潛皖

宋韓元吉濡風鶴亭記

水上源淮江津要

寰宇記

鳳陽府由府治上至

帝京一千九百八十五里東至泗州盱眙縣界一百八  
十里西至潁州府潁上縣界二百四十八里南至  
廬州府巢縣界一百五十里北至徐州府蕭縣界  
三百二十三里東西廣四百二十八里南北袤四  
百八十里

舊轄五州十三縣今析泗州為直隸以盱眙天長  
五河三縣屬之析潁州為府以潁上霍丘亳州太

和蒙城屬之舊州二縣六新設縣一共轄州二縣  
七附郭為鳳陽東二十里為臨淮西七十里為懷  
遠南九十里為定遠東北一百六十里為虹縣西  
南一百八十里為壽州為鳳臺西北二百四十里  
為宿州北二百里為靈璧

鳳陽縣東十里至宋家灣臨淮縣界西五十里至  
陶家店懷遠縣界南五十里至卸甲店定遠縣  
界北七十里至濠岡鋪靈璧縣界

臨淮縣東五十里至上店鋪泗州盱眙縣界西一  
里至西土壩濠水鳳陽縣界南五十五里至沙  
澗定遠縣界北至北關淮水河中流鳳陽縣界  
懷遠縣東三十里至蚌埠鳳陽縣界西九十里至  
寨頭鋪西潑村潁州府蒙城縣界南九十里至  
黑河南陳家岡壽州界北七十里至澠河中流  
宿州界

定遠縣東七十里至岱山鋪滁州界西九十里至

北爐鎮壽州界南六十里至高場鄉廬州府合  
肥縣界北四十五里至湛澗鋪臨淮縣界

虹縣東四十里至上塘集泗州界西四十里至長

直溝靈璧縣界南三十里至界溝集泗州五河  
縣界北六十里至許家庄徐州府睢寧縣界

壽州東接新分鳳臺縣界西六十里至正陽鎮潁  
州府潁上霍丘二縣界南一百三十里至桑科  
廬州府合肥縣界北接新分鳳臺縣界

鳳臺縣東五十里至陳家崗懷遠縣界西六十里  
至楊家腦潁州府潁上縣界南與壽州同城北  
九十里至界溝集潁州府蒙城縣界

宿州東六十里至徐園鋪靈璧縣界西一百里至  
新安鋪河南永城縣界南八十里至淝河懷遠  
縣界北九十里至胡辛庄徐州府蕭縣界

靈璧縣東三十里至長直溝虹縣界西六十里至  
葛家店宿州界南一百三十里至淮河中流鳳



陽縣界北一百三十里至雙溝集黃河涯徐州

府界

形勢鍾離天險

元魏邢  
書長

建鄴肩髀

隋書

淮海內屏東

南樞轄

唐羅  
德政碑

長淮引桐柏之源橫其北石梁會

眾水之流環其西

宋連南夫  
修城記

阻淮帶山為淮南之

險

元史地  
理志

穎州府由府治上至

帝京一千八百二十里東自穎上至鳳陽府壽州界一

百六十五里西至河南省沈丘縣界一百二十里  
南過淮接河南固始縣界一百二十里北至河南  
省商丘縣界二百六十里東西廣二百八十五里  
南北袤三百八十里

舊隸鳳陽府新改州為阜陽縣析潁上霍丘亳州  
太和蒙城隸之陞為府轄州一縣五附郭為阜陽  
東南一百二十里為潁上一百八十里為霍丘北  
一百二十里為亳州北二十五里為太和東北一

百八十里為蒙城

阜陽縣東六十里至犇陵溝潁上縣界西二百一  
十里至鮑陽城鋪河南省汝陽縣界南九十里  
至朱臯鎮河南省固始縣界北一百里至白魚  
港鋪亳州界

潁上縣東四十五里至劉家樓鳳陽府壽州界西六  
十里至六十里鋪阜陽縣界南二十五里至廟  
臺集過淮接霍丘縣界北八十里至江北店阜

陽及壽州界

霍丘縣東七十里至隱賢集大河中流鳳陽府壽  
州界西九十里至芙蓉山嶺河南固始縣界南  
一百八十里至三尖山嶺六安州界北四十五  
里至廟臺淮河中流潁上縣界

亳州東一百二十里至蒙城縣界西三十里至河  
南省鹿邑縣界南八十里至阜陽縣界北三十  
里至河南省商丘縣界

太和縣東三十里至三塔集蒙城縣界西六十里  
至界首集河南沈丘縣界南二十五里至界牌  
集阜陽縣界北九十里至淝河口亳州界

蒙城縣東六十里至寨頭鋪鳳陽府懷遠縣界西  
九十里至江家集亳州界南九十里至大興鋪  
鳳陽府壽州界北五十里至趙家鋪鳳陽府宿  
州界

形勢襟帶長淮控扼陳蔡

風土記

東連三吳南引荆

汝

晉王  
淮論

梁宋吳楚之衝齊魯汴洛之道

陶弘景  
信州記

平

原曠野土沃壤饒水陸四通八達 豫在九州之

中其風土常安逸也

文獻  
通考

滁州由州治上至

帝京二千二百五里東至江寧府六合縣界一百二十  
里西至鳳陽府定遠縣界七十里南至和州界一  
百八十里北至泗州盱眙縣界一百九十里東西  
廣一百九十里南北袤三百七十里

轄縣二南五十里為全椒東北四十里為來安

全椒縣東二十里至界首江寧府江浦縣界西九

十里至沙河廬州府合肥縣界南三十里至後

河中流和州界北二十五里至清塘本州界

來安縣東三十里至施官集橋江寧府六合縣界

西五十里至嘉山泗州盱眙縣界南五十里至

烏衣河北本州界北七十里至長店集泗州盱

眙縣界

形勢環滁皆山

宋歐陽修醉翁亭記

淮北勝地

宋呂元中紫微泉記

清

淮灌其北烏江蕩其南

宋林希逸白鶴觀記

形勢深秀

慶厯前集

跋羣峯環於西南清溪注於東北形勢深秀實甲淮海

和州由州治上至

帝京二千二百八十里東至江寧府江浦縣界六十里

西至廬州府巢縣界一百二十里南至廬州府無

為州界九十里北至滁州全椒縣界一百一十里

東西廣一百八十里南北袤二百里



轄縣一州西六十里為含山

含山縣東三十里至司基橋本州界西四十里至

界首鋪廬州府巢縣界南八十里至新澗圩廬

州府無為州界北六十里至後河本州界

形勢鎮曰梁山浸曰歷湖瀕江畫中流為水疆

俱唐

劉禹錫  
歷代記

當江淮水陸之衝

宋郭祥正含山縣記方  
用兵時含山為內險之

地當江淮水陸之衝故  
阮師宿將嘗屯營於此

為姑孰金陵藩蔽

宋地理志

廣德州由州治上至

帝京二千七百八十里東至浙江湖州府長興縣界三十里西至寧國府宣城縣界一百里南至湖州府孝豐縣界六十里北至鎮江府溧陽縣界七十里東西廣一百三十里南北袤一百三十里

轄縣一州西九十里為建平

建平縣東四十五里至白茅嶺本州界西五十里至南碕湖湖中寧國府宣城縣界南九十里至鴉山保唐視嶺寧國宣城二縣界北四十五里

至定埠鎮江寧府高淳縣界

形勢吳之西疆故鄣之墟

宋曾鞏鼓角樓記

靈山泉石甲

於一郡

舊志

三峯拱其前溪流枕其後

桐泖志

負山為

郡

志

六安州由州治上至

帝京二千九百五十里東至廬州府合肥縣界五十里

西至潁州府霍丘縣界七十里南至安慶府潛山

縣界一百八十里北至鎮江府溧陽縣界七十里

東西廣一百二十里南北袤二百五十里

舊隸廬州府今隸以英山霍山二縣陞直隸州轄  
縣二州西南三百六十里為英山九十里為霍山  
英山縣東三十五里至隘口嶺安慶府太湖縣界  
西一十五里至落黎河湖廣羅田縣界南四十  
里至雞兒河湖廣蘄水縣界北一百二十里至分  
水中界嶺霍山縣界

霍山縣東四十里至山王河本州界西一百八十

里至界嶺英山縣界南一百八十里至界嶺安慶府潛山縣界北三十里至小七畝本州界形勢東有龍穴西有武陟霍嶽鎮于南沙河縈其北萬山疊嶂遠控荆湖千里平途直連梁宋寶金陵之屏障英霍之本原也

泗州由州治上至

帝京二千一百九十九里東至淮安府清河縣界四十里西至鳳陽府虹縣界一百二十里南至龍窩集

合盱眙縣界一百二十里北至淮安府桃源徐州  
府宿遷二縣界一百五十里東西廣一百六十里  
南北袤二百七十里

舊隸鳳陽府今隸以盱眙天長五河三縣陞直隸  
州轄縣三州南一里為盱眙東南一百五十七里  
為天長西一百三十里為五河

盱眙縣東九十里至蔣家集天長縣界西一百二  
十里至愛棠集鳳陽府臨淮縣界南一百二十

里至自來橋滁州來安縣界北一里至淮河中  
本州界

天長縣東四十五里至泰欄鎮揚州府江都縣界  
西四十五里至汭澗鎮盱眙縣界南四十五里  
至瓜蒞鋪江寧府六合縣界北四十五里至銅  
城鎮揚州府寶應縣界


五河縣東三十里至浮山本州及盱眙縣界西七  
十里至順河集鳳陽府靈璧縣界南七十里至

浮橋鳳陽府臨淮二縣界北四十里至界溝集鳳陽  
府虹縣界

形勢北枕清口南帶濠梁東達維揚西通宿壽江

淮險扼徐邳要衝水陸都會之地

狀滄北  
征記



江南通志卷十